

# Evropska sedmica mobilnosti 16 – 22. septembar 2011. godine

Već desetu godinu za redom u periodu od 16. do 22. Septembra, građani Evrope, Brazila, Japana, Argentine i Turske učestvuju u kampanji pod nazivom Evropska sedmica mobilnosti.

Cilj ove kampanje, koja se provodi uz podršku Generalne direkcije Evropske komisije za zaštitu okoliša, je da ohrabri lokalne vlasti da donesu i promoviraju mjere koje doprinose razvoju održivog transporta, te da pozovu građane da koriste alternativne vidove transporta



Prvenstveno se želi utjecati na svijest građana o zaštiti okoline, odnosno o potrebi djelovanja protiv sve većeg zagađenja zraka

zbog konstantnog rasta broja motornih vozila u saobraćaju u urbanim sredinama. To nije samo pitanje borbe protiv atmosferskog onečišćenja ili buke, već i za poboljšanje kvalitete urbanog života.



Kako bi rezultati bili vidljivi na građanima je da u većoj mjeri koriste sredstva javnog gradskog prijevoza, voze bicikla, te više šetaju u obavljanju

svakodnevnih potreba u urbanim zonama i na taj način izbjegnu naviku da i za najkraće rute pale svog četvorotočkaša.

Sa druge strane, Evropska sedmica mobilnosti

ima za cilj da ohrabri evropske gradove u promociji tih modela prijevoza i ulaganja u nove infrastrukture, čime bi se smanjila emisija štetnih gasova koja predstavlja sve veći problem i prijetnju po zdravlje ljudi u većim gradovima.

Najviše pažnje javosti privuče završnica Evropske sedmice mobilnosti. Posljednji dan kampanje, 22. septembar, već godinama

se u svim gradovima učesnicima obilježi pod motom „U grad bez automobila“, odnosno kao Međunarodni dan bez automobila. Na taj dan jedna ili više saobraćajnica u centru gradova budu zatvoreni za automobile i dati na raspolaganje šetačima i biciklistima.

Iz godine u godinu sve više gradova uključuju se u obilježavanje Evropske sedmice mobilnosti. Prošle godine, kampanja je održana je pod motom „Putuj pametnije, živi kvalitetnije“ i obuhvatila je 2.221 grad sa gotovo 227 miliona stanovnika. Lokalne vlasti su prijavile 7.506 novodonesene mjere od kojih se većina odnosila na izgradnju infrastrukture za pješake i bicikliste, smanjenje motornog saobraćaja i podizanje svijesti o održivom načinu transporta.

## Evropska sedmica mobilnosti u Bosni i Hercegovini

Centar za životnu sredinu iz Banje Luke je nacionalni koordinator za Bosnu i

Hercegovinu najveće kampanje na svijetu vezane za održivi transport pod nazivom Evropska sedmica mobilnosti (ESM). Centar je u ime Evropske komisije pozvao sve opštine u Bosni i Hercegovini da se priključe obilježavanju ove kampanje. Cilj kampanje je da ohrabri lokalne vlasti da donesu i promovišu mjere koje doprinose razvoju održivog transporta, te da pozovu građane da koriste alternativne vidove transporta.

Promocija alternative motornom transportu je u fokusu ove godine, pa je stoga i tema ove godine „**Može i drugačije**“.

Tim povodom u Banja Luci su održana dva događaja:

„**PARKIRAJ SE, ali NE na MOJE MJESTO**“ - ovom akcijom željela se skrenuti pažnja svim građanima na potrebe osoba sa invaliditetom, kada je u pitanju njihova mobilnost.

**Promotivna vožnja „Dva su točka dovoljna“** - događaj je okupio više od 300 ljudi na biciklima, rolerima, skejtbordima, romobilima i sl. i najpopularniji je događaj koji se održava u sklopu ESM.



EUROPEAN  
MOBILITY WEEK

**Janez Potočnik,**  
evropski  
komesar za  
okoliš:



“Mobilnost je i socijalna i ekonomska potreba. I Evropska sedmica mobilnosti nastavlja nam pomagati da na mobilnost gledamo na nov način i odmaknemo se od privatnih automobila ka održivom prijevozu. Bolja mobilnost, odnosno pokretljivost također može značiti i bolje gradove i bolji zrak – bolju i zdraviju okolinu – i dodatne koristi od smanjenja emisije štetnih emisija. To su mjesta gdje ljudi žele živjeti i raditi i gdje će se kompanije željeti pre mjestiti. Na tako mnogo načina, sve je to pitanje mobilnosti!”

**Siim Kallas,**  
evropski  
komesar za  
transport:



“Urbani kontekst predstavlja najveći izazov za održivi promet u Europi. Naši gradovi trenutno najviše pate od zagušenja, loše kvalitete zraka i velike buke. Srećom, urbana sredina također nudi mnoge mogućnosti u pogledu mobilnosti. Javni prijevoz je široko dostupan, kao i mogućnost šetanja i vožnje biciklom. Postoje brojni primjeri gdje su evropski gradovi vodeći na putu korištenja alternativnih goriva, čistijih i energetski učinkovitijih vozila. No, naponi se trebaju ubrzati jer ti problemi nisu samo lokalna pitanja, već se odnose na EU kao cjelinu.”



Evropska  
sedmica  
mobilnosti  
16 – 22.  
septembar



Delegacija Evropske unije  
u Bosni i Hercegovini

Skenderija 3a, 71 000 Sarajevo, BiH  
Tel: +387 33 254 700  
[www.europa.ba](http://www.europa.ba)



Evropska unija